

Forfatter: Blicher, Steen Steensen

Titel: Udrag fra E Bindstouw (DK) (paralleltekst med Rigsmålgengivelse)

Citation: Blicher, Steen Steensen: "Noveller", i Blicher, Steen Steensen: *Noveller*, udg. af Esther Kielberg ; Henrik Ljungberg , Det Danske Sprog- og Litteraturselskab, Borgen, 1991, s. 238. Onlineudgave fra Arkiv for Dansk Litteratur: <https://tekster.kb.dk/catalog/adl-texts-blic03val-shoot-idm140515387508704/facsimile.pdf> (tilgået 24. april 2024)

Anvendt udgave: Noveller

Karen hun snowwed sæ hal omkring,
Aa sat hinne Pann immod Stokken.
Uhlen tuded i Kjerketmen,
Po Raahnen gohled han Kokken.
Hunnen tuded mod Kjerkepuet,
Aa Kartern mjawwed i Aahnen.
Føst saa dōh hun den unge Muer,
Aa raæ bagætter kam Baamen.
»No blywwer han nok ifræ Daerens –
Saa den faasmeddele Kwinn –
»Hwo mød haa Do faat wal aa Karen?»

Vinteren lidd, aa Fororet kam,
Aa Staeren po Gowlen han saang:
»Goer hær inno din ussclig Pjal!
Kan ikki Dæ Tiden blyw laang?»
»Mød længer den skal ikke heller blyww!»
Saañ Ejler; han gik te et Træ.
Han ban hans Huesbond aal i en Løk –
»No skal A raæ kom hæfræ!»
Saa saah han Faawal te Wahren,
Aa putted hans Howwed derin –
»Gu naah mæ! No kommer A, Karen!»

»De war eisen en sølle jen!» saah han Jepp. – »En wa saa bedrøwwele,»
saah An Cathrin. – »En wa saa grussele,» saah Kjen Muotes. »Syng wos
jen dæ goer let mier faanøwwele! Kjen Pøjster!» – »Læ no Enaahn
syng!» swuert hun »sin i ett æ faanøwwed mæ den hæhr.» – »Ito!»
saah Wollé Hannsen, »A ær et grum te aa syng; men A ku faatæll Jee
en bette Histaarri, dær æ haatte lissom e Vihs, undawwen de, te en
for en bæjr Æhn.» – »Ito! læ wos saa fo en!» saah e Skwolmæjster;
»men gjør en ett faa laang!» – »A ska ett gjør en længer end en ær»
suort han. Aa saa snøed han hans Nies, aa tow ve.
»Vi kinne jow aalsammel dæ hæ bette kon Bøj, di kalle »Skææ.»